

Сунъгъачнрин ѳгсн даалгъвр кўцәгдх зѳвтә

Сунъгъачнрин ѳгсн даалгъврил кўцәлгън—депутатин эрки чинртә тѳр. Халъмг танъгъчин Советд сунъгъгдх депутатнрин кандидатс сунъгъачнрла харгъхд, сунъгъачнр эврәннь элчнртән олд даалгъврмуд ѳглә. Эн даалгъврмуднь кўч-кѳлсчнрин джиргъл-бәәдлинь ясрулхур, танъгъчин хотл балгъс болн селәд кеерулхур зѳрулгдсмн.

Тегәд, 1957 джилин болн эн джилин хойр кварталин эргцд сунъгъачнрин 90 даалгъврин ѳрәлнь кўцәгдв. 55 даалгъвр кўцәгддз бәәнә.

Келхд, танъгъчин Советин депутат ур Килгановд сунъгъачнр Западн района Башанта поселкд джилдән 4 сай тоосх болн 1 сай черепиц кедг тооскин завод тосхтха гисмн. Заводин тосхлт нидн экләд, 2 электростанц болн тоосх кедг пресс явгдв. Тегәд заводин тосхлт 1959 джил тѳгсхмн.

Сунъгъачнрин даалгъврар, Черноземельск района Комсомольск поселкд 300 кўунә ормга зуна кинотеатр тосхгдв. Иим кинотеатрмуд Баша-

нта поселкд Приютное селәнд бас тосхгдджана. Танъгъчин кесг селәдәр радио орулгдв.

Болв, зәрм райодар сунъгъачнрин даалгъврмуд кўцәгдджәхш. Улгурлхд, Каспийск района Ракушенск болн Уланхоолин долан джилә школмудин тосхлтнь нидн джил экләд, эн джил тѳгсх зѳвтә билә. Зуг 1-ч тосхлтин управленә тосхлтин йовудар болхла, эн джил школмудин тосхлтнь тѳгсх бәәдл уга.

Юстинск района сунъгъачнр: кино хәгәрәр хәләнәвдн, эн туст кѳдлмшинь ясрулти гидж элчдән даалгъвр ѳглә. Болв, ѳдгә цаг куртл района совхозин центртнь бәәсн улс кино хәләхәс биш, фермсәр, бригадсар кино ўзүлгдхш.

Сунъгъачнрин даалгъвр сулар кўцәдгнь, танъгъчин Советин зәрм депутатнр болн бәәрн Советс тер тоотд оньган багъар ѳгсн учр болджана. Эврәннь элчнрәс сунъгъачнр даалгъвран цугинь кўцәхиг кўләджәнә. Эдн кўцәх зѳвтә.

М. УЛЮМДЖИЕВ.